

# 18 awak-awak asing ditahan

**Tiada dokumen,  
tangkap ikan  
guna kaedah  
haram**

NORHASRAM MOHAMAD

PASIR PUTEH

**A**geni Penguatkuasaan Maritim Malaysia (Maritim) Kelantan menahan 18 nelayan asing dari dua bot yang menceroobh perairan negara, kelmarin.

Pengarahnya, Kapten Nurul Hizam Zakaria berkata, nelayan warga Vietnam berusia dari 18 hingga 42 tahun itu didapati tidak memiliki dokumen pengenalan diri.

Menurutnya, salah seorang tekong pernah ditahan

atas kesalahan sama sebelum ini.

"Bot pertama ditahan jam 6.30 petang dan bot kedua jam 7.30 malam antara 55 dan 57 batu nautika dari Kuala Tok Bali.

"Kita percaya mereka menangkap ikan menggunakan kaedah tunda ganding yang sememangnya diharamkan di negara ini," katanya.

Nurul Hizam berkata, kedua-dua bot itu dikesan aset Maritim, KM Jujur yang diketuai Leftenan Maritim Pazrul Niza Mohd Mustapa ketika menjalankan Ops Damai.

"Mereka cuba meloloskan diri apabila dihampiri KM Jujur, tapi kita berjaya menjejarnya.

"KM Jujur bertindak atas maklumat orang ramai dan berjaya menemui dua bot asing tersebut," katanya.

Beliau berkata, hasil rampasan kedua-dua bot itu di-

info

**Hasil rampasan kedua-dua bot berkenaan dianggarkan RM1.5 juta**

anggarkan RM1.5 juta.

Katanya, kedua-dua bot berkenaan ditunda ke Pengkalan Operasi Maritim Kelantan untuk disiasat di bawah Akta Perikanan 1985.

"Kita sentiasa menjaga perairan negara dari pencerobohan nelayan asing. Dari Januari tahun ini sehingga sekarang, kita sudah menahan 31 bot, 18 daripadanya adalah nelayan asing dan bot disyaki klon.

"Pelbagai kaedah dilakukan bagi mengaburi mata pihak berkuasa seperti menyamar sebagai bot tempatan tetapi kita tidak tertipu," katanya.



Nurul Hizam (kanan) memantau nelayan asing yang ditahan kerana menceroobh perairan negara.